

Gefn. Schreibe von ihme also. Ditzscheußlich Thier/ möchte ein Teüt-
 scher Wallfisch genant werden/ ist lange Zeit/ bey allen Gelehrten vnbe-
 kannt gewesen / dann er allein/ in etlichen Seen vnd Flüssen des Teüt-
 schen Landes gefangen wirdt/ ist ein sehr scheußlicher / grosser/ schä d-
 licher Fisch/ kombt auff sibben oder acht Ellen lang/ etwann die and er-
 halben Centner wegen / so sie jung seynd/ seynd sie schwarzlecht mit
 weissen Flecken/ so sie aber alt vnd groß werden/ sollen sie weißlecht/ mit
 schwarzen Flecken besprenget seyn/ hat ein scheußlich / weit Maul vnd
 Schlauch/ grossen Kopff/ keine Zähn/ sonder allein rauche Rißbacken/
 ist an der ganzen Gestalt nicht vngleich der Treüschén / so anderst grosse
 ding kleinen zuvergleichen seynd / hat keine Schüpen / sondern ein
 glatte schlüpfferige Haut/ die Gestalt/ mag auß obgesagten Bildnus
 abgenommen werden/ auß welcher auch seine gefräßige Art abzunehmen /
 also daß auff ein Zeit in eines solchen Fisches Magen ein Menschen
 Kopff vnd rechte Hand mit zweyen guldenen Ringen / seynd ge-
 funden worden/ daß sie fressen allerley/ was sie bekommen mögen/ Gans/
 Enten/ verschonen auch dem Vieh nicht/ so man es zu der Schwette/ oder
 sonsten zu trencken fährt/ also daß sie auch zu Zeiten die Pferde/ zu grund
 ziechen vnd erschuffen / verschonet dem Menschen gar nicht/ wo er ihn
 bekriegen mag / zu dem Fang / brauchet er seine oberen vnd vnderen
 Knebel / mit welchen er umbwicklet / faßt / vnd zu dem Maul treibt/
 was er antrifft/ vnd was er mit dem Maul fasset/ ziecht er alles zu grund/
 frist allerley Fisch/ so er bey nechst bekommen mag / wohnet gern an
 Lättechten wüsten/ Orthen/ Wasserren vnd Seen/ der jungen Fleisch/
 soll gut vnd lieblich/ zu essen seyn / auch auff der Reichen Fische kottien/
 der alten aber vnd grossen Thieren / soll häßlich zu essen sein/ wirdt doch
 daß theil / gegen dem Schwanz / das beste geachtet / sollen ein helle
 Strim verursachen / das Stulgang bewegen / das eingefalsen Fleisch/
 von dem Fisch auffgeschmiret / soll Dörn / Pseyl/ zc. dergleichen auß
 ziechen / vnd die umbfressenden Schäden demmen / die Bräuen oder
 Sulken/ in Clister eingeschüttet/ den rohten Schaden vnd Hufstwehe
 vertreiben / zu den oberen Dingen / soll auch die Aschen / von dem ge-
 branten Kopff dienstlich seyn.

Silurus ex lacubus Bernensium. Dergleichen Fischen Art vnd Ge-
 stalt / wirdt im Murter vnd Newenburger See gefangen / welcher
 daß sonsten ein Lättechten / schleimerigen Boden hat / auß solchem ist vor
 wenig